



Lää'dd da Taarr suõ'ppe Teänjoogg kue'llšee'llemvuâkkõõzzâst

Teänjoogg kue'llšeellmõõžž šiöttõöllâm kue'llšee'llemvuâkkõõzz sagstõöllmõš Lää'dd da Taarr kõõskâst lij vuõžžum tu'mmstõ'kke. Östtum sagstõöllâmpohttmõõžžin kiččlõõdât vuei'tlvâ'stted Teän ärvvsaž luõssnaa'li jäll'jummuš leša seämmavuâra še tuärjjeed sää'm kue'llšee'llemkulttuur da tön juätkkjemvuõd.

Kue'llšee'llemvuâkkõs lij ee'jjest 2017 čuõlmmuum Teän kue'llšee'llemsuâppmõõžž meâlddõs, koon pee'vtet 5–7 ee'jj kõõskin. Odđ vuâkkõõzzâst Teänjoogg luõss-šeellmõõžž sââ'všummuš čõõnčeš pue'rben luõssnaa'li piiri-ii'jji sâjja, leša jee'res kue'llšlaaji kue'llšee'llemvuei'tlvažvuõd puârne'či.

Änn'jõž kue'llšee'llemvuâkkõ'sse verddee'l miärkteei muttâz kue'skkē luõzz šeellmõõžž. Teän luõssnaa'li hue'nes vue'jj diõtt luõzz šeellmõõžž e'tkkēet šiõtteem diõtt puârddsi mie'ldd, luõssnaa'li sâjja vuâdđõõvvi kue'llšee'llemvuâla pâi'lpää'ccõõzz mie'ldd. Kue'llšeellmõš šõõddči aai'ji mie'ldd kue'llšee'lleempââ'jest tõiđ neä'ttlid, kuä'ss viõusab luõssnaä'l kâggâ'tte Teänjo'kkē. Šee'llemnalla âarrai sââ'všum luõssmie'r'r meä'rtõõvči Teänjoogg seu'rjem- da tu'tkkēemjoouk tuejjeem luõssnaa'li seu'rrijummuž vuâdald piiri-ii'jji šõddi sagstõöllmõõžžin suâppum jään-mõsmeär mie'ldd. Odđ kue'llšee'llemvuâkkõs vuei'tlvõõstči še odinakšõõddmõõžžin låâ'v miõttmõõžž mä'tt'õs- le'be kulttuurvuâdl'i'žže šeellmõ'sše vue'jjest, ko'st šee'llemvuâla pâi'lpää'ccõõzz jiä leäkku di jeät-ga kue'llšeellmõõžž vuei't ää'veed. Vuei'tlvažvuõd vuässõõttâđ sää'mmlai ä'rbbvuõdlaž luõzz šee'llem-maallid še pue're'češ pääđvuässõõttâmloo'vin.

Odđ kue'llšee'llemvuâkkõs pue're'či miärkteeinalla vuei'tlvažvuõdidi šee'lled jee'res kue'llšlaajid gu tä'kk luõzz, mäta miärrkuu'ž, sue'vvel da šaapš. Teänjo'kkē še juõ'kk nuu'bb ee'jj vâ'lljen joo'tti jakkšlaaj šmä'ğğluõzz šee'llemvuei'tlvažvuõdidi pue're'češ. Jee'res šlaaji šeellmõõžž oudnummuž täävtõssân lij tuõ'll'jed da viikkâd oudâs Teänjokkvue'm kue'llšee'llemkulttuur da kue'llšee'llemturismvuei'tlvažvuõdidi luõzz šeellmõõžž vaiddsuân.

– Ää'n õsttum sagstõöllâmpuättmõš lij vääžnai läu'kk Teän jiiijâsnallšem luõssnaa'li jeäll-tumšest. Vue'kk lij leämmaž vaiggâđ nu't luõssnaa'li gu sää'm kue'llšee'llemkulttuur kiõččâmvue'jjest. Ää'n leät piässâm pue'r'r kompromi'sse, koon vääžnai pie'kken lij Teän jee'res šlaaji kue'llšeellmõõžž oudâsviikkõš, sârn Lää'dd sagstõöllâmvä'lddumkää'dd saaggjâä'dtee'jj **Vesa Ruusila**.

Sagstõöllmõõžž kue'llšee'llemvuâkkõõzz oõdeem diõtt jättje Taarr alttõõzzâst ee'jjest 2020. Sagstõöllâmprose'e'ss poõdd Teän luõssnaa'li sââ'jj râššni viõkksânji, mii kuu'kkii da vaiggõõ'tti sagstõöllmõõžžid. Sää'mte'ğğ da Teän kue'llšee'llemvu'vdd čâuddõ'tte sagstõöllâmprose'e'ssset joulmannust 2022. Prosee'ss poõdd Sää'mtii'ğğin leät kuuitâg sagstõõllum sää'mte'ğğlää'jj 9 § meâldlânji.

Odđ kue'llšee'llemvuâkkõs lij rajjum čiččâm eeggas, da tõt lij miärktõs vuäžžad viõ'kkē ee'jj 2024 kue'llšee'lleempââ'j a'lğğe mõõnee'st, oudbeä'lnn änn'jõž kue'llšee'llemvuâkkõõzz viõggâstârrâmää'i'j puuttmõõžž. Puõ'djen sagstõöllâmpuättmõõžžâst raaukât ciä'klmid nu't Lää'ddjânnmest gu Taarrâst. Ciä'klmid vuäitt u'vded 8.9.2023 räjja. Lää'ddjânnmest kue'llšee'llemvuâkkõs oudlad veäl ee'tti'k-kâ'dd priimm'mõõžž, što šâdd viõ'kkē.

Lää'ssteäd:

Vesa Ruusila, skää'trdemtällõsduumšek, mädd- da meä'cctäällministeria te'l. 0295 162 051, etunimi.sukunimi(at)gov.fi